

Morning Dogri (NSD) Bulletin 15-05-2024

आकाशवाणी

- प्रधानमंत्री ते भारतीय जनता पार्टी दे वरिष्ठ नेता नरेंद्र मोदी अज्ज महाराष्ट्र च चुनांs प्रचार करडन।
- गृह मंत्रालय नै लोकें गी सलाह दिती ऐ जे ओह अधिकारी बनिए धोखाधड़ी करने आहलें थमां सौहगा रौहन।
- मौसम विभाग नै उत्तर पच्छिम भारत च गर्मी दी लैहर शुरू होने दी पेशनगोई कीती ऐ।
- सी.यू.ई.टी दा म्तेहान हुन 29 मई गी होग।
- नमीं दिल्ली च हुनर प्रतियोगिता अज्जै थमां शुरू होआ'रदी ऐ।

<><><><><><>

PM-Maharashtra

लोकसभा चुनाएं दे 5में, 6में ते 7में गेड़ दा प्रचार अभियान तेज होई गेआ ऐ। बक्ख-बक्ख राजनीतिक दलें दे प्रमुख नेता मतदाताएं गी भरचाने लेई कोई कसर नेई छोड़ा रदे न। प्रधानमंत्री ते भारती जनता पार्टी दे वरिष्ठ नेता नरेंद्र मोदी अज्ज महाराष्ट्र च प्रचार करडन। ओह अज्ज संज्ञा मुम्बई दे घाटकोपर च इक रोड शो करडन। प्रधानमंत्री महाराष्ट्र दे डिंडोरी ते कल्याण लोकसभा निर्वाचन क्षेत्र च दो रैलियां करने मगरा मुम्बई पुज्जडन।

डिंडोरी लोकसभा सीट सोयां भाजपा दी भारती पवार चुं लड़ा रदियां न जिसले कि कल्याण लोकसीा निर्वाच क्षेत्र सोयां मुखमंत्री एकनाथ शिंदे हुंदे पुत्र श्रीकांत चुनां लड़ा करदे न। मोदी होर कल्याण सीट सोयां चुनां लड़ने आले श्रीकांत शिंदे ते ठाणे सीट सोयां चुनां लड़ने आहले शिवसेना दे मदवार नरेश म्हासके हुंदे आस्तै रैली करडन।

<><><><><><>

Election-Campaign

लोकसभा चुनां दे बाकी रौहंदे त्रऊं गेड़ें लेई व्यापक प्रचार अभियान जारी ऐ। बकख-बकख सियासी पार्टिएं दे नेता थाहरें-थाहरें रैलियां ते रोड शो करा रदे न। प्रधानमंत्री ते भारती जनता पार्टी दे वरिष्ठ नेता नरेंद्र मोदी होरें कल संझा झारखंड च रैलियां कीतियां। प्रधानमंत्री होरें आखेआ जे उंदी सरकार नै पच्छड़े दे ते बे-गौरै लोकें दी भलाई बेहतरी गी तरजीह दित्ती ऐ। तोआईं कांग्रेस दे वरिष्ठ नेता राहुल गांधी होरें ते समाजवादी पार्टी प्रमुख अखिलेश यादव होरें उत्तर प्रदेश दी झांसी थाहर सांझे तौर पर रैली कीती। गांधी होरें गलाया जे जेकर आई.एन.डी.आई गठबंधन सत्ता च आया तां युवाएं गी रोजगार दे नमैं मौके दित्ते जाडन। रैली गी संबोधित करदे होई समाजवादी पार्टी प्रमुख होरें आखेआ ज जेकर आई.एन.डी.आई गठबंधन सत्ता च आया तां करसानें दे कर्जे माफ कीते जाडन।

<><><><><><>

Delhi-Lok Sabha

दिल्ली दी 7एं लोकसभा सीटें लेई चुनां प्रचार होर बी तेज होई गेआ ऐ। मतदाताएं गी वोट पाने आस्तै प्रेरित करने लेई राजनीतिक पार्टियां रोड शो ते रैलियां करा रदियां न। भारतीय जनता पार्टी दे लीडरें ते मध्य प्रदेश दे साबका मुखमंत्री शिवराज सिंह चौहान हेरें कल कमला नगर इलाके च इक सार्वजनिक बैठक कीती। बीजेपी दे नेता मनोज तिवारी होरें बी इस बैठक च हिस्सा लैता। उत्तर पूर्व दिल्ली हल्के थमां मेदवार खड़ोते दे न। मगरा अम दे मुखमंत्री ते भारतीय जनता पार्टी दे लीडर नेता हेमंत तिलक सरमा होरें बी लक्ष्मी नगर इलाके च हर्ष मल्होत्रा हुंदे समर्थन च इक जनसभा गी संबोधित कीता। बीजेपी दे लीडर ते मध्य प्रदेश दे मुखमंत्री मोहन यादव होरें कमलजीत शेरावत हुंदे समर्थन च मतियाला इलाके च रोड शो दा आयोजन कीता। बीजेपी दे मेदवार नमी दिल्ली संसदीय क्षेत्र थमां बांसुरी स्वराज होरें बसंत बिहार इलाके च घर-घर जाइयै चुनां प्रचार मुहिम चलाई।

<><><><><><>

Nomination

लोकसभा चुनावें दे 7में ते अखीरले गेड़ लेई नामांकन भरने दा कल खीरी दिन हा। इस गेड़ च 7 राज्यों ते इक केंद्र शासित प्रदेश े 57 लोकसभा हल्कें च वोट पाए जाने न। नामांकन पत्रें दी जांच आला कम्म अज्ज होग। मेदवार जेकर चाहन तां शुकवार तगर अपना नामांकन वापस परताई सकदे न।

7में गेड़ लेई चुनां पैहली जून गी होना ऐ। बक्ख-बक्ख सियासी पार्टिएं दे प्रमुख मेदवारें सने प्रधानमंत्री नरेंद्र मोदी होरें बी कल वाराणसी लोकसभा सीट थवां अपना नामांकन भरेया। कांग्रेस दे अजय राय होरें बी इससै सीट थवां अपना नामांकन भरेया।

<><><><><><>

Home-Ministry

गृह मंत्रालय नै लोकें गी पुलस, केंद्रीय जांच ब्यूरो, भारतीय रिजर्व बैंक, प्रवर्तन निदेशालय ते होर दुए कनून प्रवर्तन एजेंसिएं दे अधिकारी बनिए धोखाधड़ी करने आलें थवां सौहगा रौहने दी सलाह दिती ऐ। मंत्रालय मुजब राष्ट्रीय साइबर अपराध रिपोर्टिंग पोर्टल पर रसकारी अधिकारिएं दे रूपै च आइए फर्जी लोक साइबर अपराधिंए आस्सेया धमकी, ब्लैकमेल, जबरन वसूली ते डिजिटल अरेस्ट दियां शकैतां बड़ियां मतियां आवा रदियां न। किश मामलें च पीड़ितें गी उसले तगर डिजिटल अरेस्ट थवं लंगघना पौंदा ऐ जिसले तगर उंदियां मंगा पूरियां नेई होई जंदियां। धोखधड़ी आस्तै एह लोक आम तौर पर पुलस स्टेशन ते सरकारी दफ्तरें दी तर्ज पर बने दे स्टूडियो दा इस्तेमाल करदे न ते पुलस दी वर्दी च रौहंदे न। मंत्रालय मुजब एह इक संगठित ऑलाइन आर्थिक अपराध ऐ ते पता लगदा ऐ जे इसी बन्ने पारा थवां चलाया जा रदा ऐ।

मंत्रालय नै लोकें गी सलाह दिती ऐ जे ओह ऐसी घटनाएं दी जानकारी फौरी तौर पर साइबर क्राइम हेल्पलाइन नंबर 1930 पर यां www.cybercrime.gov.in पर देन।

<><><><><><>

IMD-Weather

भारती मौसम विभाग नै राजस्थान, उत्तर प्रदेश, पंजाब ते हरियाणा समेत उत्तर पच्छिम भारत च कल्लै थमां इस म्हीने दी 18 तरीक तगर मती गर्मी होने दी पेशनगोई कीती ऐ। मौसम विभाग नै दस्सेया ऐ जे अज्ज महाराष्ट्र ते गोवा च मौसम गर्म ते नमीं आहला मौसम बने दा रौहग। उआं मौसम एजेंसी नै अज्ज महाराष्ट्र, मध्य प्रदेश, छत्तीसगढ़, उड़ीशा ते गुजरात च बदल गरजने, बिजली कड़कने ते ब्हाऊ दे कन्नै हल्के दर्जे दी बरखा पौने दी मेद बज्झी ऐ।

<><><><><><>

CUET

विश्वविद्यालय सतह दे स्नातक पाठ्यक्रमें च दाखले लैने आस्तै अज्ज दिल्ली दे केंद्रें उप्पर होने आहली CUET दी परीक्षा किश कारणें मुजब स्थगित करी दिती गई ऐ। राष्ट्रीय परीक्षा एजेंसी नै आखेआ ऐ जे हुन एह म्तेहान 29 मई गी लैता जाग ते नमें दाखले पत्र तौले गै जारी कीते जाडन।

एजेंसी नै आखेआ ऐ जे अज्ज दिल्ली दे केंद्रें च होने रसायन विज्ञान, जीव विज्ञान, अंग्रेजी ते सामान्य विशे दे म्तेहानें गी स्थगित कीता गेआ ऐ। राष्ट्रीय परीक्षा एजेंसी नै आखेआ ऐ जे म्तेहान मगरा निर्धारित कार्यक्रम दे मताबक होग।

<><><><><><>

Skill-India

मुख्य दी सब्बनं थवां बड्डी कौशल प्रतियोगिता अज्जै थवां नमीं दिल्ली च शुरू होआ रदी ऐ। एहदे च उच्च कौशल मानकें दा प्रदर्शन होग। कौशल विकास ते उद्यमशीलता मंत्रालय नै आखेआ ऐ जे इंडिया स्किल्स प्रतियोगिता च 30 थवां मते राज्य ते केंद्र शासित प्रदेशें दे 900 थवां मते छात्र हिस्सा लैडन। बक्ख-बक्ख उद्योगें दे 400 थवां मते माहिर बी एहदे च हिस्सा लैडन। 4 दिन दी प्रतियोगिता च प्रतिभागिणं गी रिवायती शिल्प सोयां लेइए अज्जै-कल्लै दी तकनीक तगर दे 61 क्षेत्रें च विविधतापूर्ण कौशल ते प्रतिभा दस्सने दा मौका हासिल होआ। 47 कौशल प्रतियोगिता तय थाहरें पर आयोजित कीतियां जांगन जिसले कि 14 प्रतियोगिता बेहतर बुनियादी णांचे दी उपलब्धता करी कर्नाटक, हरियाणा, उत्तर प्रदेश ते गुजरात च होडन।

<><><><><><>

Vice President

उपराष्ट्रपति जगदीप धनखड़ होरें लोकें गी देशै च सब्बनं थमां उप्पर रक्खने गी प्राथमिकता दिती ऐ। संसद उप्पर संविधान विशेषज्ञ डॉ. सुभाष कश्यप दे व्याख्यात्मक निबंधं दे विमोचन दे मौके पर श्री धनखड़ नै अपने संबोधन च आखेआ ऐ जे पवित्र ग्रंथ गीता आयात्मिकता, धार्मिकता ते कर्तव्यें बक्खी प्रतिबद्धता दे मार्ग गी रोशन करदी ऐ।

<><><><><><>

HCL-PSU

राजस्थान दे नीम का थाना जिले च सार्वजनिक क्षेत्र दी कंपनी हिंदुस्तान कॉपर लिमिटेड दे चौदर अधिकारी ते कर्मचारी मंगलवारै रातीं इक खदान च फसी गे न। खदान दी लिफ्ट मशीन दा रस्सा टुटने कन्नै होई दी घटना च मते लोकें दी घायल होने दी शैंका ऐ। नीम का थाना जिले दे एस.पी प्रवीण नायक होरें आखेआ ऐ जे बचाव टीम फसे दे कर्मियें तगर पुज्जी गेआ ऐ।

<><><><><><>

LTTE

केंद्र सरकार नै लिबरेशन टाइगर्स ऑफ तमिल ईलम पर लाई गेदी बंदश गी होर 5एं बरें तगर बदाई दिता ऐ।

गृह मंत्रालय नै जारी इक अधिसूचना च आखेआ ऐ जे भारत दी सम्प्रभुता ते क्षेत्रीय अखंडता लेई खतरा पुजाने आली LTTE दिएं गतिविधिएं गी दिक्खदे होई केंद्र सरकार नै एह फैसला लैता ऐ जेहड़ी भारत दी संप्रभुता ते क्षेत्रीय अखंडता लेई खतरा बने दा ऐ। मंत्रालय नै LTTE दी अलगाववादी गतिविधियें दा जिक्र कीता ऐ जेहड़ी भारती नागरिकें दी सुरक्षा लेई बड़ा खतरा ऐ।

<><><><><><>

IPL

आई.पी.एल क्रिकेट च कल रातीं नमीं दिल्ली दे अरुण जेटली स्टेडियम च डेल्ही कैपिटल्स नै लखनऊ सुपर जायंट्स गी 19 रन कन्नै हराई दिता। डेल्ही कैपिटल्स नै तय 20 ओवरें च 4 विकट पर 2083 रन बनाए। एहदे परते च लखनऊ सुपर जायंट्स दी टीम तय 20 ओवरें च 189 रन गै बनाई सकी। इस जित्त मगरा दिल्ली कैपिटल्स दी टीम 14 अंक लेइए 5मीं थाहर पर पुज्जी गई ऐ ते लखनऊ सुपर जायंट्स दी टीम 12 अंक कन्नै 7मीं थाहर पर आई गई ऐ।

<><><><><><>